



KOMUNIKADU IMPRENSA

Díli, 19 Setembru 2019 - Ministériu Negósius Estranjeirus no Kooperasaun (MNEK), liuhosi Gabinete Sekretáriu Jerál, informa katak MNEK, nu'udar instituisaun Governu ne'ebe koordena prosesu Timor-Leste nia adezaun ba ASEAN, nomeia ona Liaison Officer ida hodi bele ajuda fasilita liu tan komunikaun ne'ebe dí'ak ho Sekretariadu ASEAN no mos ho Membru Estadu ASEAN sira. Liaison Officer ne'e desloka ona ba Indonézia no sei rezide iha Timor-Leste nia Embaixada iha Jakarta durante nia mandatu.

Liu husi oportunidade ne'e, Ministériu mos hakarak atu klarifika katak até a data, seidak iha nomeiasaun ba pozisaun " Sekretáriu-Jeral Timor-Leste ba ASEAN."

Liaison Officer nia papél mak atu fasilita komunikaun entre Governu Timor-Leste ho ASEAN, liu-liu liga ho atualizasaun informasaun ba servisu no preparasaun téknika sira ne'ebe mak Timor-Leste halo ona hodi adere ba ASEAN.

Nomeiasaun ba pozisaun ne'e hare'e ba kapasidade no méritu kandidatu nian no mos liu husi prosesu konsulta no proposta husi Diresaun-Jeral ba Asuntus ASEAN iha MNEK rasik.

Antes ne'e, iha ona Liaison Officer ida ne'ebe reprezenta Timor-Leste hodi ajuda fasilita komunikaun ho Membru Estadu ASEAN no Sekretariadu ASEAN nian iha Jakarta. Hare'e ba momentu ne'ebe krítiku tebes iha Timor-Leste nia prosesu adezasaun ba ASEAN, Governu Timor-Leste, liuhosi MNEK, reativa fila fali pozisaun importante ne'e hodi bele ajuda fasilita komunikaun no prosesu ba adezaun ne'ebe diak liu tan.

Karik iha duvidas bele kontaktu Departamentu Komunikaun Social MNEK:

Joanico Sarmiento Gomes

E-mail: sarmentogomes2014@gmail.com,

+670 77305753.